

# Ժողովուրդ

178  
(2658)

10 դեկտեմբերի շաբաթ 2022  
2022տպագրության ԺԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՎ ՓԱՇԻՆՅԱՆԸ ԽԱԲԵԼ Է. ՄԱՍ 152



«Զգիտեմ, թե ամեն անգամ նիկոլական ստերը հերքելուց հետո որքանով եմ կուղղվի, բայց նման է վատ սովորող այն աշակերտին, որին ուսուցիչը, որքան էլ փորձում է 1+1=2 հավասարումը սովորեցնել, շարունակում է այլ բան պնդել»,- խորհրդարանական ճեպագրույցների ժամանակ՝ հոկտեմբերի 27-ին, հայտարարել էր «Հայաստան» խմբակցության անդամ Գեղամ Մանուկյանը: Նա այդ օրը թղթածրարով էր եկել, որտեղ ներառված էին Փաշինյանի գրառումները եւ պաշտոնական փաստաթղթերը, որոնք վկայում են երկու բան: «Նիկոլ Փաշինյանը գիտակցաբար ստում է, որ Ալմա-Աթայի՝ 1991 թ. դեկտեմբերի 8-ի հռչակագրով, երկու երկրները ճանաչելով տարածքային ամբողջականությունը, այդ թվում պատկերացրել են նաեւ Արցախն Ադրբեջանի կազմում», - ասաց Մանուկյանը՝ ցուցադրելով, թե ինչպես է Փաշինյանն իր ֆեյսբուքյան էջում տարբեր տարիների ընթացքում շնորհավորել Արցախի անկախությունը: «Իր կարճ ուղեղով շնորհավորել է, որ Արցախն անկախացել է խորհրդային Միությունից»: Երկրորդը, պատգամավորի խոսքով, այն է, որ սուտ է Փաշինյանի այն հայտարարությունը, թե, Մադրիդյան սկզբունքներով, Արցախն Ադրբեջանի կազմում է: Ընդդիմադիր պատգամավորի կողմից բերված այս փաստաթղթերն ու հայտարարությունները եւս մեկ անգամ փաստում են, որ ՀՀ վարչապետ Նիկոլ Փաշինյանը հերթական անգամ խաբել է մանիպուլացրել է ՀՀ հպարտ եւ արժանապատիվ քաղաքացիներին:

Ազգային ժողովի «Քաղաքացիական պայմանագիր» խմբակցության պատգամավոր Արսեն Թորոսյանը թիմի ներսում միայնակ է մնացել: Նրա հետ հատուկեւտ մարդիկ են շփվում: Նախկին նախարարը «սեւ ցուցակում» է հայտնվել ԶՊ վարչության ընտրություններից հետո, երբ բարձրացրել է անճշտությունների հարցը, որից հետո էլ ձայների վերահաշվարկ էր անցկացվել, եւ պարզվել էր, որ «Քաղաքացիական պայմանագիր» խմբակցության ղեկավար Հայկ Կոնջոյանը եւ փոխվարչապետ Համբարձում Մաթեոսյանը կեղծիքի արդյունքում անցել էին վարչության կազմ, մինչդեռ իրականում ավելի քիչ ձայն էին ստացել նրանք: Բողոքարկման արդյունքում հենց պատգամավոր Արսեն Թորոսյանը դարձավ վարչության անդամ, եւ ազատ ընտրությունների մասին մշտապես բարձրաձայնող հեղափոխականների կյանքում մեծ բան փոխվեց: Նրանք դարձան ընտրակեղծարարներ: Հիմա կուսակցության ներսում Արսեն Թորոսյանի դեմ քայլեր են իրականացվում ՀՀ վարչապետ Նիկոլ Փաշինյանի հովանու ներքո: Ինչպես հայտնի է, ԶՊ վարչության կեղծված ընտրություններում ակտիվ դերակատարություն է ունեցել պատգամավոր Արփի Դավլյանը, որը նաեւ համակարգում է Արսեն Թորոսյանի նկատմամբ ատելության գեներացիան: Այս օրերին խորհրդարանում մեր թղթակիցը նկատում է, որ Թորոսյանը գրեթե միշտ միայնակ է, նրա հետ շատ քիչ մարդիկ են շփվում, անգամ բարեւում: Նաեւ դա է պատճառը, որ նա հետաքրքիր քաղաքականություն է որդեգրել եւ խմբակցության նիստերի, հանդիպումների ժամանակ անգամ ընդդիմադիր ելույթներ է ունենում ու քննադատում իշխանությանը: Մարդ, որը տապալեց կորոնավիրուսի դեմ պայքարը, որպես նախարար՝ չհաջողեց, հիմա ընդդիմություն է խաղում:



ՀՀ պետական վերահսկողության ծառայությունը մտել է ՀՀ արդարադատության նախարարության քրեակատարողական ծառայություն: «Ժողովուրդ» օրաթերթի իրազեկ աղբյուրները փոխանցում են, որ ՀՀ կառավարության ղեկավար Նիկոլ Փաշինյանը հստակ հրահանգներ է տվել Պետական վերահսկողության ծառայությանը մանրազնի ուսումնասիրել ծառայության ոլորտը: Եվ, ահա, ՊՎԾ աշխատակիցները գնում են Հայաստանի բանտերի փաստաթղթերը, ուսումնասիրում տարբեր պայմանագրեր, փոխանցումներ, զարտուղի գումարների հնարավոր մուտքերը, որպեսզի հասկանան՝ Նոր ծառայության պետ Սերգեյ Ատոմյանից հետո ինչ է փոխվել բանտերում: Ի դեպ, նշենք՝ «Ժողովուրդ» օրաթերթն օրերս գրել էր, որ սեւ ամպեր են կուտակվում ՀՀ արդարադատության նախարարության քրեակատարողական ծառայության պետ Սերգեյ Ատոմյանի գլխին: «Ժողովուրդ» օրաթերթի տեղեկությունների համաձայն՝ ուժային կառույցները ԶԿՀ-ներում տիրող իրավիճակի մասով օպերատիվ տեղեկություններ են ստացել, որի առիթով սկսվել է գործընթաց: Բացի այդ, քաղաքական իշխանություններն են ծառայության պետի գործունեության մասով բացասական գնահատական տվել, ուստի չի բացառվում ԶՊ նախկին պատգամավոր Սերգեյ Ատոմյանը հրաժեշտ տա իր պաշտոնին, թեւեւ նա համակարգ էր մտել՝ առողջացնելու, հեղաշրջում անելու. փաստորեն, չի ստացվում:



Այսօր ավարտվում է Սահմանադրական դատարանի դատավորներ Արեւիկ Պետրոսյանի եւ Աշոտ Խաչատրյանի պաշտոնավարման ժամկետը: Նրանց պետք է փոխարինեն Սեդա Սաֆարյանն ու Հովակիմ Հովակիմյանը, որոնք արդեն ընտրվել են խորհրդարանի կողմից: Սակայն Սահմանադրական դատարանի նորընտիր դատավորները դեռեւս չեն կարող ստանձնել իրենց պարտավորությունները, քանի որ խորհրդարանում դեռ չեն երդվել, իսկ դա ամրագրված է Սահմանադրական դատարանի մասին օրենքում: Մասնավորապես, օրենքում ասվում է. « Սահմանադրական դատարանի նորընտիր դատավորն իր պաշտոնն ստանձնում է Սահմանադրական դատարանի համապատասխան դատավորի լիազորությունների դադարման օրը: Սահմանադրական դատարանի նորընտիր դատավորն ընտրությունից հետո Ազգային ժողովի նիստում տալիս է երդում»: Եվ ահա. «Ժողովուրդ» օրաթերթի տեղեկություններով, խորհրդարանից փոխանցել են, թե հաջորդ շաբաթ Ազգային ժողովի արտահերթ նիստեր են լինելու եւ նորընտիր դատավորները կհասցնեն երդվել ու ստանձնել պաշտոնը: Ժողովուրդ օրաթերթի տեղեկություններով, ծրագիր է եղել միջոցառում կազմակերպել եւ այդպես հրաժեշտ տալ հեռացող դատավորներին, ընդունել նորերին, սակայն մտավախություն է եղել, որ միգուցե հին ու նորերը չցանկանան միմյանց տեսնել եւ արդյունքում որոշում է կայացվել այդ կերպ հանձնում-ընդունում չկատարել:



ՉԵՆ ՅԻՇՈՒՄ

ԻՇԽԱՆՈՒԹՅՈՒՆՆԵՐԸ ՄԱՆԿԱԿԱՆ ՏՐԱՎՄԱ ՈՒՆԵՆ

Գասավոր Մնացական Մարտիրոսյանն այժմ, Նիկոլ Փաշինյանի ասած, հանգիստ մասած է իր տեղում, ու ավելի մտազնայում կարող է կոռուպցիոներ դաճեցնողների վարքը քննել, դառնել նրանց: Մոտ մեկ ամիս առաջ, հիպոթեզներ, Բարձրագույն դատական խորհուրդը 6 կողմ, 3 դեմ ձայների հարաբերակցությամբ երկու թեկնածուներից հենց նրան էր որոշես Հակակոռուպցիոն դատարանի դատավոր ընտրել: Վերջնական որոշում կայացնողը հանրապետության նախագահն է:



Մուլացիոն դատարանի դատավոր ընտրել: Այս երեւոյթը ինչպէ՛ս կմեկնաբանե՞ք:

-Ինքը խոստացավ շանտեր տալ տարբեր մարդկանց: Ես ինքս, իհարկէ, կողմ եմ մարդկանց շանտեր տալուն, բայց դրանից առաջ շատ հստակ պետք է հասկանալ մարդն ինչ իրավիճակում է որոշումներ կայացրել եւ ինչ որոշումներ է կայացրել: Օրինակ՝ հայտնի Պողոս Պողոսյանի սպանության համար պայմանական տալ Ռոբերտ Քոչարյանի թիկնապահներից մեկին, կամ «Մարտի 1»-ի գործով անձանց դատապարտել անազատության՝ հասկանալով, որ դրանք կոնկրետ ակնհայտ կեղծ մեղադրանքներ են: Մենք հիմա էլ դեռ ստանում ենք Մարդու իրավունքների եվրոպական դատարանի որոշումներ, եւ հենց վարչապետ Նիկոլ Փաշինյանն էր անգամ հայտարարել, որ Մարդու իրավունքների եվրոպական դատարանից եկած բոլոր որոշումներով հայտնի դատավորները պետք է համակարգից դուրս գան: Պարզվեց, սակայն, որ այս անգամ եւս իրականություն չէն իր խոսքերը, եւ ավելին՝ իր պատճառները հայտարարության համար նա պատասխանատվություն չի կրում: Առհասարակ, այս իշխանություններն իրենց խոսքերի համար պատասխանատվություն չեն կրում: Դա միզուցեց հիվանդություն է, մանկական

տրավմա կամ նման այլ բան, բայց դա փաստ է:

**Հասարակությունը, կարծես թե, ներում է եւ չի կանչում պատասխանատվության հենց այդ հայտարարությունների համար: Ինչո՞ւ. դեռ թմբիրի մեջ է, թե՛ այլ որեւէ պատճառ կա:**

-Կարծում եմ, որ համախմբող չկա, բայց հասարակությունը եռում է: Ես ինքս իմ աշխատանքի բերումով շփվում եմ շատ տարբեր մարդկանց հետ՝ սկսած քրեական ենթամշակույթ կրողներից, որքան էլ դա մերժելի թվա, եւ վերջացած գիտնականներով, փորձագետներով, հացթուփներով, վարորդներով: Մեր քաղաքացիները եռում են անարդարության եւ խաբված լինելու զգացումից: Մեր հասարակության մեջ, սակայն, այդ ինքնաբերականությունը շատ դժվար է տեղի ունենում, եւ մեզ անհրաժեշտ են անձինք, խմբեր, որոնք այդ լիդերությունը կվերցնեն իրենց վրա, միզուցեց հիմա այդպիսի մարդ չեն տեսնում: Հիմա փողոց են դուրս գալիս մերժվածները, հայտարարություններ են անում եւ, եթե լսում եք, բավական խելամուտ հայտարարություններ են անում, սակայն շատերը չպետք է նաեւ իրավական եւ բարոյական առումով իրավունք ունենային խոսել եւ նման հայտարարություններ անել: **Չրոյցեց ՍԵՎԱԿ ՎԱՐՊՈՒՅԱՆԸ**

ՆՈՐ ՑԱՆԿ

Սեփական թիմի ներսում խարդականքներ հյուսող ԱԺ «Քաղաքացիական պայմանագիր» խմբակցության պատգամավոր Անդրանիկ Քոչարյանը Նոր թիրախներ ունի: «Ժողովուրդ» օրաթերթի տեղեկություններով այս անգամ ԶԳ-ական պատգամավորը կենտրոնացել է ԱԺ նախագահ Ալեն Սիմոնյանի, նրա ընկեր պատգամավորներ Յուրայա Յակոբյանի ու Սիսակ Գաբրիելյանի վրա: Քոչարյանը տարբեր վայրերում, մասնավոր գրույցներում պահը չի կորցնում խոսել երեք պատգամավորների մասին, նրանց մեղադրել շատ գործողությունների մեկնելու համար, անգամ բուլմիլիթերական «Վիվարո» ընկերությունից «փայ» ունենալու համար: «Ֆակտոր»-ին նույնպես 25-ին տված հարցազրույցի ժամանակ նա անդրադարձել էր նաեւ այդ «Վիվարո»-ի գործունեությանը եւ իր թիմակիցների՝ Յուրայա Սաստանում հանգստին: Լրագրողը հարց է հնչեցնում «Վիվարո»-ին գուցե քաղաքական երաշխիքներ են տվել գործընկերները, որոնք Յուրայա Սաստանում իրենց հաշվին հանգստանում են: Ի պատասխան՝ Անդրանիկ Քոչարյանը կշռել է. «Պետք է Ազգային անվտանգությունը ճշտի ամեն ինչ, նաեւ Ձեր բարձրացրած հարցը»: «Ժողովուրդ» օրաթերթի հետ զրույցում ԱԺ «Քաղաքացիական պայմանագիր» խմբակցության պատգամավոր Յուրայա Յակոբյանն ասաց, որ ինքը որեւէ առաջություն չունի «Վիվարո» ընկերության հետ եւ երբեւէ այդ ընկերությունից գումար չի ստացել: «Իմ եկամուտը գոյանում է պատգամավորական աշխատավարձից: Եթե իրավապահ համակարգը գտնում է, որ պետք է ստուգի, թող ստուգի», - կշռեց նա: Հիշեցնենք, որ սա առաջին դեպքը չէ, երբ Անդրանիկ Քոչարյանը ԶԳ-ի ներսում խարդականքներ է հյուսում:

ՉԵՆ ՎԵՐԱԳԱՐՉԵԼ

Ամանորին քիչ ժամանակ է մնացել, եւ ավանդաբար այս օրերին Երեւանից դուրս գտնվող հանգստյան տներում ազատ տեղեր գտնելն անհնար էր լինում: Հայաստանում, պատերազմական իրավիճակով եւ սեպտեմբերյան իրադարձություններով պայմանավորված, կյանքն իսկապես կանգ է առել, հատկապես՝ այն վայրերում, որտեղ կատարվել են այդ գործողությունները: Խոսքը մասնավորապես ակտիվ տուրիստական գոտի Ջերմուկ քաղաքի, Սյունիքի մի քանի համայնքների մասին է: Իշխանությունների այն հավաստիացումները, թե այդ վայրերում կյանքը վերսկսվել է, այնքան էլ իրականությանը չեն համապատասխանում: «Ժողովուրդ» օրաթերթի տեղեկություններով այս պահի դրությամբ Ջերմուկ քաղաքի հյուրանոցներում, ռեստորաններում եւ հանգստի այլ վայրերում բնականոն կյանքը չի վերականգնվել, եւ անգամ 30 տոկոս ամրագրում առկա չէ հյուրանոցների կամ առողջարանների: մարդիկ վախենում են եւ ցանկություն չունեն այնտեղ գնալու եւ Ամանորն անցկացնելու: Այստեղ վատաբար նաեւ պետական քաղաքականություն է պետք, եւ ճիշտ կլինի, որ պատկան գերատեսչությունների ղեկավարները հորդորեն իրենց աշխատակիցներին գնալ Ջերմուկ՝ փորձելով աշխուժացնել հենց այնտեղի կյանքը:

ԺԱՄԿԵՏՆ ԱՎԱՐՏՎՈՒՄ Է

ԲՈՒՂԵՐԻ ՆԱԽԱԳԻԹԸ ՉԿԱ

Չնայած իբխանությունների կողմից իրականացվող ակնհայտ ու ծածուկ ճնշումներին՝ երեկ՝ դեկտեմբերի 9-ին, Բյուտովի անվան դեպիտատ համալսարանի ռեկտոր է վերընտրվել Կարինե Հարությունյանը: «Ժողովուրդ» օրաթերթի տեղեկություններով իբխանություններն անգամ սեփական լրացվամիջոցներով էին փորձում սվելել Հարությունյանի գործունեությունն ու ռեկտորի ընտրություններից մեկ օր առաջ վարչապետ Նիկոլ Փաշինյանի ընտանիքին դասկանող լրացվամիջոցով գրում էին Պետական վերահսկողական ծառայության բուհում իրականացրած սուղումների մասին:

կավար Դավիթ Գյուրջինյանին էր առաջադրել, ու ուսանողների, նրանց ծնողների վրա տարբեր ճնշումներ բանեցնելով՝ փորձում էր Գյուրջինյանի համար ճանապարհ հարթել, ինչը, փաստորեն, չի ստացվել. բուհի խորուրդը նախընտրեց գործող ռեկտորին: Ինչ վերաբերում է բուհերի միավորման գործընթացին, ապա այն, «Ժողովուրդ» օրաթերթի տեղեկություններով, ոչ միայն կանգ է առել, այլ դրա նախնական՝ սեւագիր տարբերակը հեղինակները պատռել, դեռ են նետել:

Հիշեցնենք, որ ուղիղ մեկ ամիս առաջ՝ նոյեմբերի 8-ին, վարչապետ Նիկոլ Փաշինյանի որոշմամբ, կառավարական կաբինետում, վարչապետի աշխատակազմի ղեկավար Արայիկ Հարությունյանի գլխավորությամբ, աշխատանքային խումբ էր ստեղծվել: ԿԳՄՍ նախկին նախարարի ղեկավարած աշխատանքային խումբը մինչեւ նոյեմբերի 30-ը վարչապետին գրավոր կարծիք ու առաջարկներ պետք է ներկայացներ: Այսօր արդեն ղեկտեմբերի 10-ն է, բայց վերոնշյալ աշխատանքային խումբը հրապարակային որեւէ հայտարարություն չի ներկայացրել: Երեկ «Ժողովուրդ» օրաթերթը փորձեց կապ հաստատել Արայիկ Հարությունյանի աշխատակազմից որեւէ մեկի հետ: Բազմաթիվ զանգերից հետո մեզ հաջողվեց աշխատակազմից մի աղջկա հետ կապ հաստատել, որն այդպես էլ մինչեւ գրույցի ավարտը չներկայացավ, չասաց իր անունը:

Նա փոխանցեց, որ, իր տեղեկություններով, աշխատանքային խումբը դեռ աշխատում է, ու, որպես բարի կամքի դրսեւորում, խորհուրդ տվեց գրավոր հարցում ուղարկել: «Ժողովուրդ» օրաթերթի տեղեկություններով՝ Հարությունյանի ղեկավարած աշխատանքային խումբը ժամկետները խախտել ու նշված ժամանակահատվածում գրավոր կարծիք չի ներկայացրել, դրա համար էլ նրա՝ ներկայանալ վախեցող աշխատակիցը խստ «սիրալիր» կերպով պատասխանեց մեր հարցերին ու նույն «սիրալիր» կերպով հեռախոսն անջատեց մեզ վրա: **Ա. ՎԱՐՊՈՒՅԱՆ**

ԻՐԱՎԻՃԱԿ

ՔՆՆԱՐԿՈՒՄ

ՓԱՇԻՆՅԱՆՆ ՈՒ ՊՈՒՏԻՆԸ ՀԱՆԴԻՊԵԼ ԵՆ

ՄԵԿՆՈՒՄ՝ ՄՏԱՄԲՈՒԼ

Եվրամիության հատուկ ներկայացուցիչ Տոյվո Կլարը Երևանից մեկնում է Ստամբուլ: Այս մասին Կլարը գրել է «Թվիթեր»-ում՝ չհստակեցնելով, թե ինչ հանդիպումներ կունենա Թուրքիայում:

Նա երեկ էր եկել Երևան, եւ Եվրամիության պաշտոնյային ընդունել էին վարչապետը, փոխվարչապետն ու արտաքին գործերի նախարարը: Հայաստանից պաշտոնյաները Կլարի հետ քննարկել են խաղաղության պայմանագրին, Լեռնային Ղարաբաղի շուրջ վերջին զարգացումներին, ինչպես նաեւ Արցախի հայության իրավունքներին եւ անվտանգությանը վերաբերող հարցեր:

Օրինակ՝ նշվում է, թե ՀՀ վարչապետ Նիկոլ Փաշինյանի հետ հանդիպման ժամանակ կողմերը կարեւորել են ԵՄ քաղաքացիական առաքելության տեղակայումը Հայաստանում եւ անդրադարձել առաքելության գործունեությանը: Փաշինյանն ընդգծել է Պրահայում կայացած հանդիպման ձեռնարկի համաձայն հետագա քննարկումների կարեւորությունը:

Իսկ, ահա, ՀՀ արտաքին գործերի նախարարության տարածած հաղորդագրությունից տեղեկանում ենք, որ Արարատ Միրզոյանը նշել է, որ հայկական կողմը հավատարիմ է տարածաշրջանում խաղաղություն եւ կայունություն հաստատելու իր դիրքորոշմանը՝ ընդգծելով, որ Ադրբեյջանի շարունակական սարքիչ գործողություններն ու առավելապաշտական հռետորաբանությունը բերում են անվտանգային փխրուն իրավիճակի սրման: Հատուկ ներկայացուցիչն իր երեւանյան հանդիպումները առարկայական է որակել:

ԹՈՒՐՔԱԿԱՆ ՋԼՄ

Մարգարայի՝ դեռեւս 1963-ին կառուցված կամուրջը, որ Հայաստանը Թուրքիային կապող շահագործման ենթակա հաղորդակցային միակ ճանապարհի բաղկացուցիչ մասն է, ըստ թուրքական լրատվամիջոցների, մինչեւ տարեվերջ կարող է երթելու: Թուրքիայի եւ Հայաստանի միջեւ հարաբերությունների կարգավորման երկրորդ փուլը մեկնարկել է:

«Հայաստանի ու Թուրքիայի պաշտոնյաներն այժմ քննարկում են մինչեւ 2022-ի ավարտն օդային հաղորդակցություն (նախնական միայն բեռնափոխադրումների մասին է խոսվում հեղ.), ապա նաեւ սկսելու եւ Ալիջանի ցամաքային անցակետը բացելու մասին հարցերը», - այս մասին գրում է թուրքական Hurriyet Daily News-ը՝ հղում անելով Թուրքիայի կառավարության սեփական աղբյուրներին:

Ըստ լրատվամիջոցի՝ սա հայ-թուրքական հարաբերությունների երկրորդ փուլի մեկնարկ է նշանակում: Նշենք, որ Ալիջանը հայկական Մարգարայի հարեւան բնակավայրն է՝ Արաքսի մյուս ափին:

Բիբեկում երեկ տեղի է ունեցել Վրացի-միր Պուսին-Նիկոլ Փաշինյանի հանդիպումը: Բանակցությունների մեկնարկին Հայաստանի վարչապետը առաջարկել է խոսել սարածաբանային անվտանգության մասին՝ ընդգծելով «լարվածության աճը Լեռնային Ղարաբաղում՝ ռուս խաղաղադաշնի դասախանգակության գոտում»:

«Իրավիճակը մեզ մոտ մնում է լարված: Մեր տարածաշրջանում գլխավոր հարցը մնում է դարաբաղյան կարգավորումը: Ցավոք, մենք տեսնում ենք նաեւ լարվածություն Լեռնային Ղարաբաղում՝ ռուսական խաղաղապահների պատասխանատվության գոտում», - բացելով հանդիպումը՝ ասել է Փաշինյանը՝ խոսելով Լաչինի միջանցքում տեղի ունեցած վերջին զարգացումների՝ ճանապարհը փակելու ադրբեյջանական փորձերի մասին:

«Լեռնային Ղարաբաղում լուրջ մտավախություններ կան այս առիթով: Եվ ես հույս ունեմ, որ մեզ կհաջողվի քննարկել տարածաշրջանային անվտանգության բոլոր հարցերը», - ասել է Փաշինյանը:

Հայաստանի վարչապետը պնդել է, թե Ռուսաստանը Հայաստանի առաջատար առևտրատնտեսական գործընկերն է:

«Այս տարվա առաջին տասը ամիսներին մեր առևտրաշրջանառությունը եղել է 67 տոկոս, ինչը լավ ու դրական ցուցանիշ է: Այդուամենայնիվ, միջոտ կան հարցեր, եւ ես ուրախ եմ, որ մենք ունենք դրանք քննարկելու այս հնարավորությունը», - ասել է Փաշինյանը՝ հույս հայտնելով, որ ԵԱՏՄ մեխանիզմների լավարկման միջոցով կհաջողվի պահպանել ռուս-հայկական տնտեսական փոխազդեցության դրական դինամիկան:

Բիջբեկում երեկ Եվրասիական տնտեսական բարձրագույն խորհրդի նիստին էր մասնակցում վարչապետ Նիկոլ Փաշինյանը եւ ելույթ ունենալիս շեշտում էր, որ վերջին տարիներին ԵԱՏՄ երկրների տնտեսական զարգացումն ընթանում է ոչ դյուրին պայմաններում:

Կրկին անդրադառնալով ԵԱՏՄ ներսում գազի ընդհանուր շուկա ձեւավորելու հարցին՝ Փաշինյանը շեշտել է՝ այն Հայաստանի համար զգայուն խնդիր է:

Վարչապետը նկատել է՝ թեւեւ հաջողվել է ապահովել գազի ընդհանուր շուկայի ձեւավորման մասին միջազգային համաձայնագրի նախագծի պատրաստվածու-



թյան բարձր մակարդակ, սակայն մի շարք չլուծված խնդիրներ են մնում:

«Մենք պատրաստ ենք ճկուն մոտեցում ցուցաբերել՝ կոնսենսուսի հասնելու եւ չլուծված հարցերի շուրջ ԵԱՏՄ անդամ բոլոր երկրների շահերի հավասարակշռությունն ապահովելու համար՝ Միության ընդհանուր գազի շուկայի առավելություններն ու ներուժը լիովին օգտագործելու նպատակով», - ասել է Փաշինյանը:

Հայաստանի իշխանությունները պարբերաբար բարձրաձայնում են Եվրասիական տնտեսական միության երկրների էներգետիկայի միասնական շուկա ստեղծելու խնդիրը: Հարցը հատկապես կարեւոր է անդամ այն երկրների համար, որ նավթ ու գազ չունեն՝ Հայաստանի, Բելառուսի եւ Ղրղըզստանի: Փորձագետների կարծիքով՝ առաջիկա տարիներին դժվար թե ընդհանուր շուկայի հարցը վերջնական կարգավորվի, քանի որ ԵԱՏՄ անդամ երկրների մոտեցումներն այս հարցում տարբեր են: Վարչապետը Բիջբեկում համագործակցության մեկ այլ կարեւոր ուղղություն է համարել ԵԱՏՄ-ի

եւ երրորդ երկրների միջեւ առևտրատնտեսական հարաբերությունների զարգացումը:

«Չինաստանի հետ առևտրատնտեսական համաձայնագրի իրականացումը, Իրանի, Սինգապուրի եւ Սերբիայի հետ ազատ առևտրի մասին համաձայնագրերի իրականացումը, ինչպես նաեւ Եգիպտոսի, Արաբական Միացյալ Էմիրությունների, Իսրայելի, Յնդկաստանի եւ Ինդոնեզիայի հետ ազատ առևտրի համաձայնագրերի շուրջ շարունակվող բանակցությունները լրացուցիչ խթան կհաղորդեն Միության՝ համաշխարհային տնտեսության մեջ ինտեգրման գործընթացին», - ըստ Հայաստանի կառավարության՝ ասել է գործադիրի ղեկավարը՝ շեշտելով՝ դա իր հերթին կբերի ԵԱՏՄ ապրանքների արտահանման ծավալների ավելացմանը, արտաքին շուկաների դիվերսիֆիկացմանը, ներդրումների ներգրավմանը եւ երրորդ երկրների հետ միջազգային տնտեսական գործընկերության համար բարենպաստ միջավայրի ստեղծմանը:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱ ԽՃԱՆԿԱՐ

ՀԱՆԴԻՊՈՒՄ ԱՄՆ-ՈՒՄ

Մարդու իրավունքների պաշտպան Զրիստինե Գրիգորյանը ԱՄՆ կատարած այցի շրջանակում ղեկավարել է 9-ին Վաշինգտոնում հանդիպել է ԱՄՆ պետքարտուղարի Ժողովրդավարության, մարդու իրավունքների եւ աշխատանքի հարցերով փոխտեղակալ Կարա ՄըքՔոնալդի հետ:

Կարա ՄըքՔոնալդը գոհունակություն է հայտնել Պաշտպանի հետ հանդիպման համար, ապա կողմերը մտքեր են փոխանակել Հայաստանում մարդու իրավունքների վիճակի վերաբերյալ, քննարկվել են առաջնահերթ հարցեր: Հանդիպման ընթացքում Պաշտպանը ներկայացրել է սեպտեմբերի 13-14-ին ՀՀ սուվերեն տարածքի վրա ադրբեյջանական ագրեսիայի եւ հարձակման հետեւանքները, մասնավորապես՝ ՄԻՊ-ի կողմից փաստագրված

մարդու իրավունքների շարունակական խախտումները:

ԾՐԱԳԻՐԸ ՄՏՈՐԱԳԻՐԵԼ ԵՆ

Ռուսաստանի Դաշնություն կատարած աշխատանքային այցի շրջանակում ղեկավարել է 9-ին ՀՀ պաշտպանության նախարար Սուրեն Պապիկյանը մասնակցել է ՇՀԿ եւ ԱՊՀ երկրների պաշտպանության նախարարների համատեղ հանդիպմանը, որտեղ ներկայացրել է ադրբեյջանական վերջին ռազմական ագրեսիայի հետեւանքով տարածաշրջանում ստեղծված իրադրությունը:

Այնուհետեւ տեղի է ունեցել ՀՀ պաշտպանության նախարար Սուրեն Պապիկյանի եւ ՌԴ պաշտպանության նախարար, բանակի գեներալ Սերգեյ Շոյգուի հանդիպումը: Հանդիպման ընթացքում քննարկվել են տարածաշրջանային անվտանգու-

թյան առնչվող, ինչպես նաեւ ռազմական եւ ռազմատեխնիկական համագործակցության մի շարք ընթացիկ հարցեր: Հանդիպման ավարտին ստորագրվել է ՀՀ եւ ՌԴ պաշտպանության նախարարությունների միջեւ ռազմական համագործակցության 2023թ. ծրագիրը:

ՎԵՐԸՆՏՐՎԵՑ ՌԵԿՏՈՐ

Վ. Բոյունովի անվան պետական համալսարանում տեղի ունեցավ համալսարանի ռեկտորի պաշտոնի համար հայտարարված մրցույթը, որի համար հայտ է ներկայացրել 2 անձ՝ գործող ռեկտոր Կարինե Հարությունյանը եւ Լեզվի կոմիտեի նախագահ Դավիթ Գյուրջինյանը:

ArmLur.am-ին հայտնի դարձավ, որ գործող ռեկտոր Կարինե Հարությունյանը վերը ներկայացրել է ռեկտորի պաշտոնում ծայրերի 12- 8 հարաբերակցությամբ:

44-ՕՐՅԱ ՊԱՏԵՐԱԶՍ

# ՄՊԻՏԱԿ ՖՈՍՖՈՐԸ ՀԱՄՏԱՏՎԵԼ Է

2020թ. սեպտեմբերի 27-ից Ադրբեջանի զինված ուժերի կողմից Արցախի Հանրապետության դեմ սանձազերծված միջազգային մարդասիրական իրավունքի կոդիքի խախտումներով զուգորդված ագրեսիվ դաժնամարտի հանգամանքները ֆննելու համար Արցախի Հանրապետության իրավապաշտպան մարմինների կողմից հարուցվել են մի քանի քննարկային գործեր, որոնց քննարկում նախաձեռնված մարմինների կողմից առգրավվել են բազմաթիվ չղայքած արկեր ու արկերի մնացորդներ, նստակցվել են փորձաքննություններ:



Այս մասին հայտնում են Արցախի Հանրապետության դատախազությունից: Արցախի Հանրապետության քննչական կոմիտեի քննիչի կողմից փորձաքննության էին ներկայացվել նաև Արցախի Հանրապետության Մարտունի քաղաքի վարչական տարածքում հայտնաբերված, չպայթած հրթիռը եւ դրանից ստացված նմուշները: Անկախ փորձագիտական խմբի կողմից կատարված հետազոտության արդյունքում տրված եզրակացությամբ (եզրակացությունը ստացվել է 07.12.2022թ.) փաստվել է, որ այն իրենից ներկայացնում է սպիտակ ֆոսֆորից բաղկացած ֆոսֆորային ռազմամթերք:

Խավորել են այն բնակավայրերը, որտեղ գտնվում էր խաղող բնակչություն (պատերազմի օրերին ու դրանից հետո հրապարակվել էին քիմիական զենքի կիրառության մասին վկայող մի շարք տեսանյութեր): Այդ կերպ Ադրբեջանը կոպտորեն խախտել է ժնեյի կոնվենցիայի (Արձանագրություն 1) 35-րդ հոդվածը, համաձայն որի՝

«Տանկացած զինված ընդհարման դեպքում ընդհարման մեջ գտնվող կողմերի՝ պատերազմելու մեթոդների եւ միջոցների ընտրության իրավունքն անսահմանափակ չէ:

-Արգելվում է կիրառել այնպիսի զենքեր, արկեր, նյութեր, ինչպես նաև պատերազմելու այնպիսի մեթոդներ, որոնք կարող են ավելորդ վնասներ կամ ավելորդ տառապանքներ պատճառել,

-Արգելվում է կիրառել պատերազմելու այնպիսի մեթոդներ կամ միջոցներ, որոնք նպատակ ունեն շրջակա միջավայրին պատճառել կամ, կարելի է ենթադրել, որ կպատճառեն լայնածավալ, տեսական եւ լուրջ վնաս»:

Ռազմամթերքի հայտնաբերման, վնասազերծման եւ նմուշառման ողջ գործընթացը կատարվել է մասնագետների մասնակցությամբ, ամրագրված տեսաձայնագրությամբ, հետազոտության առարկան եւ փորձաքննության նյութերը անհրաժեշտության դեպքում կարող են ներկայացվել միջազգային փորձագետների հետազոտությանը:

Այսպիսով, փորձագիտական հետազոտության արդյունքներով հաստատվել է, որ 2020թ. 44-օրյա պատերազմի օրերին Ադրբեջանի զինված ուժերը գնացվածային ոչնչացման ու մարդկային մեծաթիվ կորստի, տառապանքի ու վնասի հանգեցնող քիմիական զենքով ուղիղ թիրա-

## ԽՆԴԻՐՆԵՐ

# ՔՆՆԱՐԿՎԵԼ Է ԲՈՆՈՒԹՅԱՆ ԹԵՄԱՆ

ՀՀ ֆինչական կոմիտեի նախագահի տեղակալ Մրտն Այվազյանն ընդունել է Եվրոպայի խորհրդի գեներալ-նախագահի կողմից կառուցված զարգացման եւ համագործակցության ծրագրերի ենթաբաժնի ղեկավար Մարթա Բեկերայի գլխավորած դասվիրականությանը:

տական կարողությունների զարգացմանն ուղղված վերապատրաստման գործընթացները: Նա ողջունել է ՀՀ քննչական կոմիտեի հետ անմիջական գործակցության նոր նախագծեր մշակելու Եւ-ի նախաձեռնողականությունը:

Արտն Այվազյանը նշել է, որ Եվրոպական իրավունքի հիման վրա ընտանիքներում եւ կանանց նկատմամբ բռնությունների դեմ քրեաիրավական պայքարի խստացման ՀՀ պետական հետետողական քաղաքականությունն արտահայտվել է ՀՀ քրեական եւ ՀՀ քրեական դատավարության նոր օրենսգրքերում տրված նոր լուծումներով: Իսկ ՀՀ քննչական կոմիտեն ակտիվորեն ներգրավված է ոչ միայն այս ոլորտի իրավակիրառ պրակտիկայի, այլ նաև օրենսդրական բարեփոխումների գործընթացներում: Նա մանրամասն ներկայացրել է բռնությունների քաղաքացիների պաշտպանության իրավական կառուցակարգերի մասին հանրային իրազեկվածության բարձրացմանը, քննիչների շրջանում կանանց ավելի մեծ ներգրավվածությունն ապահովելուն ուղղված ՀՀ քննչական կոմիտեի ջանքերը:

Հանդիպման ընթացքում քննարկվել են ընտանիքում եւ կանանց նկատմամբ բռնությունների կանխարգելման եւ բացահայտման ոլորտում ՀՀ քննչական կոմիտեի քննիչների հմտությունների ու կարողությունների զարգացմանը, այդ պայքարում հիմնական դերակատար կառույցների միջեւ համագործակցության ամրապնդմանն ուղղված նոր համատեղ նախագծերի իրականացման հնարավորությունները:

ՀՀ քննչական կոմիտեի նախագահի տեղակալը խիստ օգտակար է գնահատել ՀՀ քննչական կոմիտեի ներգրավմամբ մինչ այժմ Եւ-ի կողմից իրականացված կանանց համար արդարադատության մատչելիությանը, քննիչների մասնագի-

Մարթա Բեկերայն գոհունակություն է հայտնել վերջին շրջանում կանանց նկատմամբ, ընտանեկան բռնությունների դեմ պայքարում Հայաստանի հետետողական քայլերի կապակցությամբ՝ նշելով, որ այս բնույթի հանցագործությունների դեմ պայքարի դատավարական նոր ընթացակարգերն ու լուծումները համապատասխանում են Եվրոպական չափորոշիչներին: Բռնարարներին քրեական պատասխանատվության ենթարկելու եւ պատժի անխուսափելիության ապահովման տեսանկյունից նա կարեւորել է հատկապես մինչդատական վարույթում ապացույցների ձեռք բերման գործընթացը, քրեական վարույթների համար ամուր փաստակազմով դատական հեռանկարի ապահովումը: Այդ նպատակով Եւ-ն, ըստ տիկին Բեկերայի, պատրաստ է աջակցություն ցուցաբերել վերապատրաստումների միջոցով քննիչներին լրացուցիչ հմտություններ տալու հարցում: Հանդիպման ընթացքում պայմանավորվածություն է ձեռք բերվել գործակցության նոր ծրագրերը դեռավաճիկն քննարկման արժանացնել աշխատանքային կարգով:

## ԼՈՒՐԵՐ

### ԱՐՏԱՌՈՑ ԳԵՊԸ

ArmLur.am-ին հայտնի դարձավ, որ դեկտեմբերի 8-ին Թաիրովի փողոցում արտառոց դեպք է տեղի ունեցել: Մեզ հայտնի դարձավ, որ 37 տարեկան տղամարդն ինքնասպանության փորձ է կատարել՝ փորձելով ինքնահրկիզվել: Ոստիկաններին հաջողվել է կանխել տղամարդու ինքնասպանության փորձը:

Նշենք, որ տղամարդն Արցախի քաղաքացի է եւ Հայաստան է եկել 44-օրյա պատերազմի ժամանակ:

### ՄԱՀՄԱՆՆ ԱՆՑԵԼ ԵՆ

ArmLur.am-ին հայտնի դարձավ, որ Սիսի Շենին մեղադրանք է առաջադրվել այն բանի համար, որ նա, իր անչափահաս դուստրերի՝ Սիլուստ Շենի (ծնված՝ 2010 թվականի օգոստոսի 18-ին) եւ Սիլուստ Շենի (ծնված՝ 2012 թվականի հոկտեմբերի 21-ին) հետ միասին 2022 թվականի հոկտեմբերի 12-ին՝ ժամը 17:20-ի սահմաններում, շրջանցելով ՀՀ Արարատի մարզում գտնվող ՌԴ ԱԴԾ 125-րդ սահմանապահ ջոկատի «Բուրաստան» սահմանապահ ուղեկալի ինժեներատեխնիկական փշալարերը, առանց սահմանված փաստաթղթերի եւ պատշաճ թույլտվության, փորձել է ապօրինի հատել ՀՀ պետական սահմանն ու մուտք գործել Թուրքիայի Հանրապետություն, սակայն վերջինիս դիտավոր հանցագործությունը նրա կամքից անկախ հանգամանքներով չի իրագործվել, քանի որ բռնվել է ՀՀ-ում ՌԴ ԱԴԾ ծառայողների կողմից:

ՔՆՆԱՐ ՄԱՆՈՒԿՅԱՆ

### ՔԱՂԱՔԱՑԻՆ ՀԱՅՏՆԱԲԵՐՎԵԼ Է

Ոստիկանության Թումանյանի բաժնի քրեական հետախույզների եւ անձնագրային բաժանմունքի աշխատակիցների համատեղ ձեռնարկված միջոցառումների արդյունքում դեկտեմբերի 8-ին Ալավերդի քաղաքի Թումանյանի փողոցում հայտնաբերվել է բաժին է ներկայացվել 49-ամյա Սեյրան Յ.Ն., որը 2018 թ. նոյեմբերի 12-ից ոստիկանության Նոր Նորքի բաժնի կողմից հետախույզվում էր ՀՀ նախկին քրեական օրենսգրքի 38-205-րդ (Հարկերը, տուրքերը կամ պարտադիր այլ վճարումները վճարելուց չարամտորեն խուսափելուն հանցակցելը) եւ 178-րդ (Խարդախությունը) հոդվածների մեղադրանքով: Այս մասին տեղեկանում ենք ոստիկանությունից: Խափանման միջոցը՝ ստորագրություն: Հայտնաբերման մասին հայտնվել է հետախույզումը նախաձեռնողին:

● Ըստ ոստիկանության տվյալների՝ դեկտեմբերի 8-ից 9-ը Հայաստանի Հանրապետությունում բացահայտվել է հանցագործության 56 դեպք, որոնցից 2-ը՝ նախկինում կատարված:



ՀԱՍԱՐԱԿՈՒԹՅՈՒՆ

ՄԱՐԶ

ԱՆՀԱՎԱՍԱՐ ԱՃԽԱՏԱՎԱՐՉԵՐ

Նվազագույն աշխատավարձը հունվարի 1-ից կդառնա 75 հազար դրամ...

ԶՐԱԳԻԾԸ ԿԱՌՈՒՅՎՈՒՄ Է

1976-1980 թվականներին կառուցվեց 44 միլիոն խորանարդ մետր տարողությամբ...

ԷԼԵԿՏՐՈՆԱՅԻՆ ՀԱՍՑԵՆԵՐԸ ՉԵՆ ԳՈՐԾՈՒՄ

Տավուշի մարզպետարան էլեկտրոնային փոստով «ժողովուրդ» օրաթերթի խմբագրության...

ՆԱԽԱԳԻԾ

ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ ԿՍՏԵՂԾՎԻ

ՀՀ ազգային ժողովը ֆինանսում է Ներքին գործերի նախարարությունը...

«Կառավարության կառուցվածքի եւ գործունեության մասին» օրենքում փոփոխություններ...

Փաթեթով առաջարկվում է ստեղծել Ներքին գործերի նախարարություն: Ներքին գործերի նախարարության շրջանակներում...

«Սա պարզապես հերթական նախարարության ստեղծումը չէ: Բովանդակային առումով սա ենթադրում է ոստիկանության ոլորտի նկատմամբ խորհրդարանական վերահսկողության, ինչպես նաեւ քաղաքացիական վերահսկողության իրականացում»,- ասաց Սարգսյանը: Ոստիկանությունն այժմ չունի իր համար քաղաքականության մշակման համար պատասխանատու սուբյեկտ, եւ, ըստ այդմ, ինքնակատարելագործման ճանապարհով է գնում: Սակայն փոխնախարարը շեշտեց՝ պետք է տարանջատվեն քաղաքականության մշակման եւ քաղաքականության իրականացման ֆունկցիաները: Ըստ նրա՝ քաղաքացիական նախարարության ստեղծման առավելությունն այն կլինի, որ Ոստիկանության ոլորտի բարեփոխումների պատասխանատու կլինի՝ ի դեմս ՆԳՆ-ի, կլինի նաեւ ոլորտի քաղաքական պատասխանատու՝ ի դեմս ներքին գործերի նախարարի: Իսկ ոստիկանությունը՝ ոստիկանապետի մակարդակով, պատասխանատու կլինի այս ծառայության ամենօրյա գործունեության համար:

Փոխնախարարը նաեւ աղետների ու ռիսկերի ընդհանուր տրամաբանության մեջ կարելուց մեկ կետից կառավարում ու մեկ կետից քաղաքականության մշակում ունենալը: «Իսկ այդ 3 կառույցներն, ըստ էության, հենց առօրյա մակարդակում բախվում են տարբեր ճգնաժամային իրավիճակների, եւ, հետեւաբար, տրամաբանական է մեկ նախարարու-



թյան ներքո ունենալ այս բոլոր ոլորտների քաղաքականության մշակումը»,- նշեց Սարգսյանը:

Նախարարության ենթակայության ներքո լինելու է առանձին ակադեմիա, որը պատասխանատու կլինի կադրերի որակի համար, կիրականացնի համապատասխան ուսուցումը:

«Այս բարեփոխումները չպետք է երբեք ընկալել որպես աշխատողների նկատմամբ պատիժ: Սա պետք է ընկալվի որպես նոր շանս՝ ոստիկանության ոլորտի բարեփոխումները նոր հունով շարունակելու եւ մեր քաղաքացիներին ոստիկանության, փրկարար ծառայության եւ միգրացիայի ու քաղաքացիության ծառայության օրինակով հանրային ավելի արդյունավետ ծառայություն մատուցելու կունենանք»,- ասաց փոխնախարարը:

Պատգամավոր Սարգիս Խանդանյանը հետաքրքրվեց, թե այս երեք ծառայու-

թյունների մեկտեղում ինչ ժամանակացույցով է տեղի ունենալու: Սարգսյանը վստահեցրեց, որ ժամանակացույցը մշակելիս առաջնորդվել են այն կանխավարկածով, որ անգամ 1 րոպե ծառայության մատուցման կանգ չպետք է լինի հանրության համար: «Մենք շատ կարճ ժամանակ՝ շուրջ 4 ամիս, կունենանք 13 նախարարություն, այսինքն՝ դեռեւս շուրջ 4 ամիս Արտակարգ իրավիճակների նախարարությունը կշարունակի գործել, մինչեւ ՆԳՆ-ում համապատասխան կադրային նշանակումները կիրականացվեն, եւ նախարարությունն ի գործ կլինի իրականացնել այդ ֆունկցիաները: Հենց ավարտվի այդ ժամանակահատվածը, ավտոմատ այդ ֆունկցիոնալ բազան կտեղափոխվի ՆԳՆ, ու նախարարությունը կիրականացնի այդ ֆունկցիաները»,- եզրափակեց փոխնախարարը:

ԼՈՒՐԵՐ

ՏԱՐԻ ԵՆ ԱՄՓՈՓԵԼՈՒ

ArmLur.am-ը տեղեկացավ, որ իշխող «Քաղաքացիական պայմանագիր» կուսակցությունը որոշել է տարեվերջյան հավաքն անցկացնել Ջերմուկում: Այդ նպատակով վարչության անդամները՝ ՀՀ վարչապետ Նիկոլ Փաշինյանի գլխավորությամբ, դեկտեմբերի 17-ին գնալու են Ջերմուկ եւ այնտեղ հավաքներ անցկացնել:

ArmLur.am-ի տեղեկություններով՝ հանդիպումների ժամանակ ամփոփվելու է 2022 թվականը, բացթողումներն ու ձեռքբերումները, եւ անդրադարձ է կատարվելու նաեւ հաջորդ տարվա անելիքներին: Մենք տեղեկացանք, որ ԶԳ-ականների կողմից Ջերմուկ մեկնելը կոնկրետ նպատակ է հետապնդում, եւ որոշում են կայացրել այդ քաղաքն ընտրել որպես հա-

վաքի վայր, քանի որ սեպտեմբերին եւ դրանից հետո արդրեջանական կողմի գործողություններից ամենից շատ տուժել է հենց այս քաղաքը:

Նշենք, որ, ըստ ArmLur.am-ի տեղեկությունների, իշխանականների հավաքը կանցկացվի «Հայաթ» հյուրանոցում:

ՀԱՆՉՆԱԺՈՂՈՎ ԿՍՏԵՂԾՎԻ

Վարչապետ Նիկոլ Փաշինյանի որոշմամբ՝ դեկտեմբերի 1-ին Հայաստանի Հանրապետության տարածքում քաղաքացիական օդանավի հետ տեղի ունեցած ավիացիոն պատահարի քննությունն անհապաղ կազմակերպելու եւ վարելու նպատակով հանձնաժողով կստեղծվի:

Հիշեցնենք, որ վերոնշյալ պատահարը տեղի էր ունեցել Կոտայքի մարզի Ջրա-

բեր համայնքի տարածքում: Ավիացիոն վթարի հետեւանքով BeechCraft 95-B55 մասնավոր ինքնաթիռն էր կործանվել: Օդանավի 2 օդաչուները՝ Ռուսաստանի Դաշնության քաղաքացիներ Ալեքսեյ Պոռոցենկոն եւ Վիտալիյ Ռոգատկինը, գոհվել էին:

ArmLur.am-ի տեղեկություններով՝ ինքնաթիռի վթարի հանգամանքներն ուսումնասիրող հանձնաժողովը կնախագահի տարածքային կառավարման ու ենթակառուցվածքների նախարար Գնել Սանտսյանը: Արտակարգ իրավիճակների նախագահ Արմեն Փամբուխչյանը հանձնաժողովի փոխնախագահը կլինի: Հանձնաժողովի կազմում կներգրավվեն նաեւ առողջապահության եւ պաշտպանության նախարարների տեղակալները, ինչպես նաեւ ԱԾ ու ոստիկանության պետերի տեղակալներն ու այլք:

ՍԵՎԱԿ ՎԱՐՈՒՄՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 12 ՃՏՊ. 17 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՀԱՅՏԱՐԱՐՈՒԹՅՈՒՆ

Կազմակերպիչներ՝ «Բի Էս Թի» ՍՊԸ-ի և «Ֆլորես աճուրդի տուն» ՍՊԸ-ի կողմից, այդ թվում «ԱԿՍՈՆ» ապրանքահումքային բորսա» ՍՊԸ-ի հարթակում իրականացվող բոլոր այն անշարժ գույքերի աճուրդները, որոնց աճուրդային վաճառքի ավարտը սահմանվել էր մինչև 2022թ.-ի դեկտեմբերի 30-ը, երկարաձգվում են մինչև 2023թ.-ի հուլիսի 03-ը ներառյալ: Լրացուցիչ տեղեկությունների համար զանգահարել (011) 52-61-85 կամ այցելել բորսա՝ ք. Երեւան, Սայաթ-Նովա 40, 82/31 հասցեով, ժամը 9:30-17:00-ն:

ՀԱՅՏԱՐԱՐՈՒԹՅՈՒՆ

«Ակսոն» ԱՅ բորսայի հարթակում (ք. Երեւան, Սայաթ-Նովա պողոտա, 40 շենք, թիվ 82/31) 29.12.2022թ.-ից յուրաքանչյուր աշխատանքային օր՝ ժամը 12:00-ից, իրականացվելու է «Հայաստանի երիտասարդական հիմնադրամ» հիմնադրամի կողմից ներկայացված՝ հիմնականում օգտագործված, վնասված, հնամաշ գրասենյակային աթոռների, պահարանների, սեղանների, գրատախտակների, գրապահարանների, համակարգիչի սեղանների, սեղան-պահարանների, բազմոցների, օդափոխիչների, ֆոտոխցիկների, տպիչ սարքերի, հեռուստացույցների, համակարգիչների, մոնիտորների, սառնարանների, ջրի ապարատների, շերտավարագույրների և այլ գույքերի աճուրդային վաճառքը՝ «դասական» (զևի բարձրացմամբ) եղանակով:

Մանրամասն տեղեկությունների, ինչպես նաև բորսայի հարթակում վաճառվող այլ լոտերի ցանկին ծանոթանալու համար կարող եք այցելել [www.akson.am](http://www.akson.am) ([www.borsa.am](http://www.borsa.am)) կայքի «Վաճառվող լոտեր» բաժին կամ զանգահարել (011) 52-61-85 հեռախոսահամարով:

ՀԱՏԱՏՎԵԼ ԵՆ ԾՐԱԳՐԵՐԸ

ՀՀ կրթության, գիտության, մշակույթի և սպորտի նախարարի համապատասխան հրամաններով հաստատվել են ՀՀ հանրակրթական ուսումնական հաստատությունների 2-րդ, 5-րդ, 7-րդ, 10-րդ դասարանների առարկայական ծրագրերը:

Ըստ այդմ հաստատվել են «Աշխարհագրություն», «Արվեստ», «Բնություն», «Գրականություն», «Ես և շրջակա աշխարհը», «Երաժշտություն», «Երկրաչափություն», «Թվային գրագիտություն և համակարգչային գիտություն», «Իմ հայրենիքը», «Կենսաբանություն», «Կերպարվեստ», «Համաշխարհային պատմություն», «Հայ գրականություն», «Հայոց լեզու», «Հայոց պատմություն», «Հանրահաշիվ», «Հասարակագիտություն», «Մաթեմատիկա», «Մայրենի», «Նախնական գիներկրական պատրաստություն», «Շախմատ», «Տեխնոլոգիա», «Քիմիա», «Օտար լեզուներ», «Ֆիզիկա», «Ֆիզիկոտուրա» առարկաների ծրագրերը:

ԱԺ ՆԻՍ

ԸՆԴՈՒՆՎԵՑԻՆ ՎԱՐԿԱՅԻՆ ՀԱՄԱՁԱՅՆԱԳՐԵՐ

ՀՀ ազգային ժողովը վավերացրեց երկու վարկային համաձայնագիր. բյուջեային աջակցության միջոցներն ուղղվելու են դեքլարացիայի տակսուրդի ֆինանսավորմանը:

«Հայաստանի Հանրապետության և Ասիական զարգացման բանկի միջև 2022 թվականի նոյեմբերի 17-ին ստորագրված «Հարկաբյուջետային կայունության և ֆինանսական շուկաների զարգացման ծրագիր» վարկային համաձայնագիրը վավերացնելու մասին» և «Հայաստանի Հանրապետության և Զարգացման ֆրանսիական գործակալության միջև 2022 թվականի նոյեմբերի 17-ին ստորագրված թիվ CAM 1016 01 վարկային համաձայնագիրը վավերացնելու մասին» օրենքների նախագծերն ԱԺ դեկտեմբերի 9-ի արտահերթ նիստում ներկայացրեց ֆինանսների նախարարի տեղակալ Վահե Հովհաննիսյանը:

Փոխնախարարն ընդգծեց, որ երկու համաձայնագրերն էլ վերաբերում են հարկաբյուջետային կայունության և ֆինանսական շուկաների զարգացման ոլորտներին:

Անդրադառնալով Հայաստանի Հանրապետության և Ասիական զարգացման բանկի միջև ստորագրված համաձայնագրին՝ նա ասաց. «Ներգրավվելու է 100 մլն դոլարի վարկ: Նշյալ բյուջետային աջակցության միջոցներն ուղղվելու են ՀՀ 2022 թ. պետբյուջեի մասին օրենքով սահմանված պակասուրդի ֆինանսավորմանը: Եվ վարկային միջոցների՝ ժամանակին ստացումը կարելու է նշանակություն ունի պետբյուջեի՝ կատեգորիաներով նախատեսված ծախսերի ֆինանսավորման տեսանկյունից»,-ասաց նա:

Նրա խոսքով՝ այս համաձայնագիրը կապված է բազմաթիվ բարեփոխումների հետ: Օրինակ՝ հարկաբյուջետային պլանավորման, թափանցիկության, ռիսկերի կառավարման, նաև պետական ծախսերի արդյունավետության բարձրացումն է կամ պետական ներդրումների, այդ թվում պետություն-մասնավոր գործընկերության համակարգի բարեփոխումները, կանաչ տնտեսության քաղաքականության մշակումը և այլն:

«Բացի այն, որ ներգրավվող բյուջետային աջակցության միջոցներն ուղղվելու են պետբյուջեի պակասուրդի ֆինանսավորմանը, նշյալ ծրագրերի քաղաքականության աղյուսակով սահմանված միջոցառումները նպաստել են կառավարու-



թյան բարեփոխումների օրակարգի իրականացմանը՝ միտված լինելով պետական պարտքի և հարկաբյուջետային ռիսկերի կառավարման ամրապնդմանը, պետական արժեթղթերի շուկայի բարելավմանը, կորպորատիվ թափանցիկության ընդլայնմանը»,-ասաց փոխնախարարը:

Այսպիսով, Ասիական զարգացման բանկից ներգրավվելու է 100 մլն դոլար՝ լողացող տոկոսադրույքով: Տոկոսադրույքը կազմում է SOFR + 0.6% մարժա: Վարկի տրամադրման ժամկետը կազմում է 12 տարի, արտոնյալ ժամկետը՝ 3 տարի:

Իսկ Զարգացման ֆրանսիական գործակալության կողմից ներգրավվող վարկը կազմում է 100 մլն եվրո: Կառավարությունը հնարավորություն ունի ընտրելու՝ վարկը ներգրավել ֆիքսված, թե՛ լողացող տոկոսադրույքով: «Ֆիքսված տոկոսադրույքի դեպքում տոկոսադրույքը կազմում է 3.87 տոկոս, իսկ լողացող տոկոսադրույքի դեպքում՝ 6-ամսյա EURIBOR (կամ դրա անհնարինություն դեպքում՝ համապատասխան կողմնորոշիչ տոկոսադրույք)՝ ավելացրած 0.95% մարժա: Վարկի ժամկետը կազմում է 20 տարի, արտոնյալ ժամկետը՝ 5 տարի»,-ասաց Հովհաննիսյանը: Նրա խոսքով՝ վարկային միջոցները ներգրավվում են բյուջեով նախատեսված պակասուրդի լրացնելու համար և ուղղված են այնպիսի կարելու բարեփոխումների, որոնք կնպաստեն կառավարման համակարգի հետագա բարելավմանը,

ֆինանսական շուկաների բարելավմանը, ինչն իր հերթին կնպաստի տնտեսական զարգացմանը:

«Հայաստան» խմբակցությունից Արթուր Խաչատրյանը նշեց՝ բազմիցս կառավարությունից լսել են, որ փող շատ կա. հիմա փող չկա, դրա համար են պարտք վերցնում: Փոխնախարարը պատասխանեց, որ աշխարհում երբեք 1-2 պետություն կա, որոնց բյուջեն դեֆիցիտային չէ: Կառավարությունը միշտ ծախսում է ավելի շատ, քան հարկ է հավաքում:

«Հայաստանի Հանրապետության և Ասիական զարգացման բանկի միջև 2022 թվականի նոյեմբերի 17-ին ստորագրված «Հարկաբյուջետային կայունության և ֆինանսական շուկաների զարգացման ծրագիր» վարկային համաձայնագիրը վավերացնելու մասին» նախագիծը քվեարկությամբ ստացավ 59 կողմ, 26 դեմ ձայներ. պատգամավոր Գեորգ Պապոյանն իր կողմ քվեարկությունը ներկայացրել էր գրավոր: «Հայաստանի Հանրապետության և Զարգացման ֆրանսիական գործակալության միջև 2022 թվականի նոյեմբերի 17-ին ստորագրված թիվ CAM 1016 01 վարկային համաձայնագիրը վավերացնելու մասին» օրենքի նախագիծը քվեարկությամբ ստացավ 63 կողմ, 27 դեմ ձայներ՝ գումարած Գեորգ Պապոյանի գրավոր կողմ քվեարկությունը:

ԱՐՑԱԽՅԱՆ ՀԱՐՑ

ԽՈՉԸՆԴՈՑՆԵՐ ԵՆ ՄՏԵՂԾՎՈՒՄ

Ադրբեջանական կողմի համար Լեռնային Ղարաբաղի հարցը դարձել է «փիղը սենյակում», այսինքն՝ խնդիրը կա, բայց փորձում են ձեռացնել, թե չկա. այս մասին ԱԺ-ում ասաց Հայաստանի անվտանգության խորհրդի ֆարսուղար Մրմեն Գրիգորյանը՝ անդրադառնալով դասգնավոր Սոնա Ղազարյանի հարցին:

Պատգամավորը հետաքրքրեց, թե հայկական կողմը շարունակում է արդյոք Հայաստանի և Ադրբեջանի միջև խաղաղության հնարավոր պայմանագրի հարցն ու ԼՂ-ում բնակվող հայերի

իրավունքների և անվտանգության հարցը տարանջատած քննարկել:

Գրիգորյանը պարզաբանեց, թե ինչու է հայկական կողմը եկել այն եզրակացության, որ այդ հարցերը տարանջատված պետք է լինեն: «Երբ մենք Վաշինգտոնում քննարկումներ ենք ունեցել, ես ավելի հստակություն է եղել միջազգային մեխանիզմի ստեղծման վերաբերյալ, մենք մեր հավանությունն ենք տվել, որ հարցերը տարանջատվեն: Սակայն երբ միջազգային մեխանիզմի վերաբերյալ որեւէ հստակություն չկա, ապա դա հայկական կողմի համար դժվարացնում է խաղաղության պայմանագրի մասով առաջ գնալը»,-ասաց նա:

Նրա խոսքով՝ Ադրբեջանի մոտեցումը, թե Ղարաբաղի հարցը լուծված է, որեւէ ձեռով չի օգնում այս հարցով առաջ ընթանալ:

«Ղարաբաղյան հարցը ադրբեջանական կողմի համար դարձել է «փիղը՝ սենյակում», այսինքն՝ խնդիրը կա, բայց փորձում են ձեռացնել, թե այդ խնդիրը չկա: Մենք կշարունակենք աշխատել եւ կտեսնենք, թե ինչքանով է հնարավոր դրանք տարանջատել», -ասաց Գրիգորյանը՝ հավելելով, որ ադրբեջանական կողմի այդ մոտեցումն է, որ որոշակի խոչընդոտներ է ստեղծում ավելի արագ առաջ շարժվելու ճանապարհին:

● «Ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ԺԱՌԱՆԳՈՒԹՅՈՒՆ

ՆԵՐԿԱՅԱՑՎԵԼ Է ՊԱՆՊԱՆՈՒԹՅԱՆ ՀԱՅԿԱԿԱՆ ՓՈՐՁԸ

Հայաստանի Հանրապետության ղափառությունը մասնակցում է Ռուսաստանի Գաղութային Կազմակերպության Կազմակերպության անցկացվող ՅՈՒՆԵՍԿՕ-ի համաշխարհային ժառանգության ղափառության կոնվենցիայի 50-ամյակին նվիրված համաժողովին:

Դեկտեմբերի 4-9-ն անցկացվող միջոցառմանը ներկայացել են պատվիրակություններ ավելի քան 30 երկրներից: Հայկական կողմից համաժողովին մասնակցում են ԿԳՄՍ եւ Շրջակա միջավայրի նախարարությունների, «Պատմամշակութային արգելոց-թանգարանների եւ պատմական միջավայրի պահպանության ծառայություն» ՊՈԱԿ-ի ու Երեւանի քաղաքապետարանի «Էրեբունի պատմահնագիտական արգելոց-թանգարան» ՀՈԱԿ-ի ներկայացուցիչները:

Հայաստանը նախապատրաստել է երկու զեկուցում Մետաքսի մեծ ճանապարհին միջնադարյան Հայաստանի դերի եւ պատմահնագիտական ժառանգության պահպանության ոլորտում ունեցած փորձի մասին:

Այցի շրջանակում Հայաստանի պատվիրակությունը հանդիպել է նաեւ Կազմակերպության ժողովուրդների բարեկամության տան հայկական կենտրոնի ղեկավարությանը եւ ծանոթացել գործունեությանը:

Թաթարստանի Հանրապետության պատմամշակութային ժառանգության ոլորտի պատասխանատուների հետ քննարկվել են երկու երկրների հաջող փորձը եւ համագործակցության հեռանկարները:



ԼՈՒՐԵՐ

ՀՈՒՅՍ ՈՒՆԻ

Բրազիլիայի հավաքականի նախկին խաղացող, «Ֆլումինենսեի» նախկին ավագ Ֆրեդը հաղթանակ է մարտի բրազիլացիներին՝ հույս հայտնելով, որ կիսաեզրափակիչում կլինի Բրազիլիա-Արգենտինա դիմակայություն: «Ցանկանում եմ տեսնել Բրազիլիա - Արգենտինա կիսաեզրափակիչ: Ցանկանում եմ տեսնել իրանացուն, խառնաշփոթ, Նեյմարի խաղը ու Մեսսիի արցունքները»,- ասել է Ֆրեդը: Քառորդ եզրափակիչում Բրազիլիան կմրցի խորվաթների, Արգենտինան՝ հոլանդացիների հետ: Այս դիմակայությունների հաղթողները կիսաեզրափակիչում կխաղան իրար դեմ:

ԳԵՐԱԶԱՆՑԵԼ Է ՌԵԿՈՐԴԸ

Աշխարհի եռակի չեմպիոն, լեգենդար բրազիլացի ֆուտբոլիստ Պելեն իր սոցիալական ցանցի գրառումով շնորհակալություն է հայտնել աշխարհի չեմպիոն Ֆրանսիայի հավաքականի հարձակվող Կիլիան Մբապեին աջակցության համար: ՊՍԺ-ի 23-ամյա ֆուտբոլիստը թվիթերյան գրառումով հայտնել էր, որ աղոթում է ֆուտբոլի արքայի առողջության համար: «Շնորհակալություն Կիլիան Մբապե: Ես ուրախ եմ, որ դու գերազանցել ես իմ հերթական ռեկորդը աշխարհի առաջնությունում, իմ ընկեր»,- գրել է 82-ամյա Պելեն: Մբապեն աշխարհի առաջնություններում խփել է 9 գոլ եւ դարձել այդ ցուցանիշով ամենաերիտասարդ ֆուտբոլիստը (23 տարեկան եւ 349 օրական) պատմության մեջ: Նա գերազանցել է Պելեի ռեկորդը՝ աշխարհի առաջնություններում 7 գոլ մինչեւ 24 տարեկան դառնալը:

«ՅՈՒՆԻՍԵՖ» ՀԱՅԱՍՏԱՆԻ ԳԵՄՊԱՆ

«Եվրատեսիլ 2021»-ի հաղթող Մալենան դեկտեմբերի 9-ին նշանակվեց «ՅՈՒՆԻՍԵՖ» Հայաստանի դեսպան: Մալենան «ՅՈՒՆԻՍԵՖ»-ին եւ Մարդու իրավունքների պաշտպանի գրասենյակին միացել էր Երեւանի համաշխարհային օրվա կապակցությամբ մարդու իրավունքների պաշտպանին առջնորդ երեխաների իրավունքների հարցերով հասարակական խորհրդի մեկնարկին: «Դեռահասությունը հատուկ ժամանակաշրջան է երեխայի կյանքում եւ, ինչպես ասում են, «ՅՈՒՆԻՍԵՖ»-ում՝ հնարավորությունների կարելու պատուհան՝ օգնելու երեխաներին զարգացնել ապագայի համար անհրաժեշտ շատ կարևոր հմտություններ եւ կարողություններ: Մենք աշխատում ենք մի շարք նախաձեռնությունների վրա՝ երիտասարդներին հզորացնելու, նրանց 21-րդ դարի հմտություններ սովորեցնելու, համայնքային խնդիրներին մասնակցությունը խթանելու եւ նրանց ծայրը լսելի դարձնելու համար՝ կլիմայի փոփոխության, հոգեկան առողջության եւ շատ այլ կարևոր հարցերի շուրջ: Ես ուրախ եմ ողջունելու Մալենային «ՅՈՒՆԻՍԵՖ»-ի թիմում որպես մեր նոր դեսպան: Միասին մենք կանենք հնարավորը, որպեսզի երիտասարդների ձայնը լսելի դառնա»,-իր խոսքում նշեց Հայաստանում «ՅՈՒՆԻՍԵՖ»-ի ներկայացուցիչ Քրիսթինե Վայզանդը: 15-ամյա Մալենան «ՅՈՒՆԻՍԵՖ»-ի ամենաերիտասարդ ազգային դեսպանն է: Երգչուհին նշեց, որ ոգեշնչված է ու պարտավորված այս նշանակման առթիվ:

ԱՌԱՋԱՐԿ

ԱՊՕՐԻՆԻ ԿՐՊԱԿԸ ԱՊԱՄՈՆՏԱԺՎԵՑ

«Հայաստանի ազգային ղափառասրահ», «Հայաստանի ղափառության բանգարան», «Ե. Չարենցի անվան գրականության եւ արվեստի բանգարան», «Հայաստանի ղեկավարներին օրերս դիմել էին ՀՀ ԿԳՄՍ նախարար Վահրամ Գումանյանին՝ միջնորդություն ներկայացնելու Երեւանի քաղաքապետարանի Հանրապետության հրադարակի սարածֆում բանգարանի կամարների երկու սյան մեջտեղում սեղադրված առեւտրային կրողակն աղամոնսաժելու առաջարկով:

Արձագանքելով նախարարի դիմումին՝ դեկտեմբերի 8-ին Երեւանի քաղաքապետարանն ապամոնտաժել է վերոնշյալ առեւտրային կրողակը՝ վերականգնելով հանրապետական նշանակության հուշարձանի եւ ազգային թանգարանների բարենպաստ տեսքը:



● Դեկտեմբերի 11-ին «Դվին» մյուզիք հոլում տեղի կունենա «Լորդա» համերգային փառատոնը: Տոմսերի արժեքը՝ 60000-120000 դրամ: Սկիզբը՝ ժամը 20:00-ին:





Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Որո՞նք են գործատուի դարձակաճանաչումները եւ իրավունքները՝ կառավարման աշխատողների ներկայացուցիչների հետ:

Կարեն Բաղամյան 31 տարեկան



ՊԱՏԱՍԽԱՆ.

Գործատուն պարտավոր է՝ -հարգել աշխատողների ներկայացուցիչների իրավունքները եւ չխոչընդոտել նրանց գործունեությանը: Աշխատողների ներկայացուցչի գործունեությունը չի կարող դադարեցվել գործատուի ցանկությամբ, -խորհրդակցել աշխատողների ներկայացուցիչների հետ աշխատողների իրավական վիճակի վրա ազդող որոշումներ ընդունելիս, իսկ սույն օրենսգրքով նախատեսված դեպքերում ստանալ նրանց համաձայնությունը, -ապահովել կոլեկտիվ բանակցությունների վարումը սեղմ ժամկետներում, -սույն օրենսգրքով սահմանված ժամկետներում, իսկ ժամկետներ սահմանված չլինելու դեպքում՝ ոչ ուշ, քան մեկ ամսվա ընթացքում, քննարկել աշխատողների ներկայացուցիչների առաջարկությունները եւ տալ գրավոր պատասխաններ, -աշխատողների ներկայացուցիչներին անվճար տրամադրել անհրաժեշտ տեղեկություններ՝ աշխատանքին վերաբերող հարցերի վերաբերյալ, -կատարել կոլեկտիվ պայմանագրով սահմանված այլ պարտականություններ, -ապահովել աշխատողների ներկայացուցչի՝ օրենսդրությամբ սահմանված իրավունքների իրականացումը:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ».

Աշխատողների ներկայացուցչի կողմից գործատուի իրավունքները, օրենսդրության պահանջները կամ պայմանագրերի նորմերը խախտելու դեպքերում գործատուն իրավունք ունի օրենսդրությամբ սահմանված կարգով դիմելու դատարան՝ աշխատողների ներկայացուցչի անօրինական գործունեությունը դադարեցնելու պահանջով:

ԻՐԱՎՈՒՆՔ

ՀԱՐՑ. Որո՞նք են ամուսնության անվավերությունը բացառող հանգամանքները:

Լիլիթ Գալստյան (24 տարեկան)



ՊԱՏԱՍԽԱՆ.

Դատարանը կարող է ամուսնությունը վավերական ճանաչել, եթե ամուսնությունն անվավեր ճանաչելու մասին գործի քննության պահին վերացել են դրա կնքմանն արգելք հանդիսացող հանգամանքները: Կնոջ հղիության կամ երեխա ծնվելու դեպքում, կամ եթե դա են պահանջում անչափահաս ամուսնու շահերը, ինչպես նաեւ ամուսնությունն անվավեր ճանաչելու մասին անչափահաս ամուսնու համաձայնության բացակայության դեպքում դատարանը կարող է մերժել ամուսնացող անձի հետ կնքված ամուսնությունն անվավեր ճանաչելու մասին հայցը: Դատարանը չի կարող ամուսնությունը ճանաչել կեղծ, եթե նման ամուսնություն գրանցած անձինք մինչեւ դատարանի կողմից գործի քննությունը, փաստորեն, ընտանիք են կազմել:

ՀՀ քաղաքացիական կացության ակտերի գրանցման գործակալություն

«ԺՈՂՈՎՈՒՐԳ».

Ամուսնության դադարումից հետո ամուսնությունը չի կարող անվավեր ճանաչվել, բացառությամբ ամուսինների միջեւ օրենքով արգելված ազգակցական կապի առկայության կամ ամուսնության պետական գրանցման պահին ամուսիններից մեկի կողմից այլ չլուծված ամուսնության մեջ գտնվելու դեպքերի:

ԼՈՒՐ ԿԱԴՐ

Լուսանկարը՝ համացանցից



Գագիկ Խաչիկյանը Մոսկվայում անցկացված օլիմպիական չեմպիոն Միխայիլ Վորոնինի անվան գավաթի խաղարկությունում նվաճել է 1 ոսկե եւ 3 բրոնզե մեդալ: Հայաստանի միակ ներկայացուցիչը ոսկե մեդալակիր է դարձել «Նժույզ թափեր» վարժությունում: Բրոնզե մեդալները նա նվաճել է զուգափայտում, պտտաձողում եւ բազմամարտում 47 մասնակիցների մեջ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_ Ազգանուն՝ \_\_\_\_\_ Առաքման հասցե՝ \_\_\_\_\_ Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049 0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 9.12.2022

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: